


Hoz es il Di internaziunel dal punct



SETTEMBER

Il Di internaziunel dal punct

Tuot ho cumanzo cul cudesch «The dot» – «Il punct» chi raquinta l'istorgia da la matta Vashti. Ella craja ch'ella nu sapcha disegner. «Cumainza simplamaing cun ün punct», disch sia magistra. Vashti fo quelò e pittüra simplamaing ün punct immez il fögl. «Ed uossa suotta-scriva», disch la magistra. Vashti fo eir quelò e la magistra inramescha sieu purtret (simplamaing ün punct) e'l penda sü. Vashti disch sü per se sves: «Que seja fer meglder!» ed ella cumainza a pittüer da tuottas sorts puncts: grands e pitschens, puncts da tut las culuors, puncts chi vaun ün in l'oter. A la fin do que üna bell'exposiziun da purtrets e Vasthi es dvanteda üna vaira artista.

«Cu mê hest tü fat que?», la dumanda ün mat, «eau vuless eir savair pittüer uschè bain. Ma eau nu se gniancha fer ün strich gualiv.» E che fo Vashti? Ella disch: «Muossa!» e do ün fögl alv al mat. L'artist americaun Peter H. Reynolds es l'autur ed illustratur da l'istorgia da Vasthi in «The dot». Cur cha'l magister americaun Terry Shay ho musso quist cudesch a sia classa ils 15 settember 2009, es naschieu il Di internaziunel dal punct. Daspö lura dess quist di der curaschi ad iffaunts e creschieus sün tuot il muond dad esser creativs e da simplamaing cumanzer a pittüer ... cun ün punct ... e lura garder che cha do landrou. Cumainza eir tü!

Puncts as fo eir cur cha's scriva.
Quaunts puncts innombrast tü
aint il text survart?

Sest tü, cur cha's fo ün punct?

Sest tü che cha vuol dir, scha's
fo trais punctins ... ?


Che pittürast tü il pü gugent?



Puncts dapertuot

1


- 1 Guarda intuorn. Inua chattast tü puncts, pitschens e grands?
- 2 Inua do que uschigliö auncha puncts?
- 3 Piglia üna marella e guarda ün purtret alv e nair in giazetta. Che vezzast tü?
- 4 Che vezzast tü, scha tü guardast cun üna marella ün purtret da culur?




Puncts dapertuot

2

- 1 Tscherna üna da las trais figüras e copcha la figüra sün ün palperi (da culur) ün pô pü gross.
- 2 Prepara differents buols per stamper ils differents puncts: buols d'ardöffels, buols da gomma, bastunins da vatta etc.
- 3 Decorescha uossa tieu purtret cun puncts. Quels paun esser pitschens u grands, alvs, nairs u da culur. Inua ho que bgers puncts, inua poch's?









Puncts da posa

3

- 1 Piglia smarties da tuot las culuors. Culs smarties fuormast ün rinch, na memma grand, sün tieu plat.
- 2 Svöda uossa precautamaing ova aint il plat. Na memma bger'ova, uschigliö noudan davent ils smarties. Tuot il plat dess esser cuviert.
- 3 Observa uossa che chi capita ...
- 4 A la fin suos-chast tü manger ils smarties, els gustan eir sainza la crousla da zücher.

